

Bidang akademik, penyelidikan tumpuan UMP, UTY

UMK KLO Kampas) 2/5/21 ms: 26

Dua universiti jalin kerjasama

Oleh M. SHAHRINNAHAR
ABD. LATIB
nahar.latib@utusan.com.my

KUANTAN 1 Mei - Universiti Teknologi Yogyakarta (UTY) dari Indonesia baru-baru ini mengadakan kunjungan rasmi ke Universiti Malaysia Pahang (UMP) di sini bagi menjalinkan hubungan kerjasama dalam bidang akademik dan penyelidikan.

UTY yang diketuai Rektornya, Bambang Hardadi dan isterinya, Dr. Rini Susilowati disambut oleh Naib Canselor UMP, Prof. Datuk Dr. Daing Nasir Ibrahim dan isteri, Datin Fazia Ali.

Hadir sama Timbalan Naib Canselor, Profesor Dr. Badhrulhisham Abdul Aziz; Dekan Pusat Pengajian Siswazah, Datin Nasly Mohamed Ali; Dekan Pusat Bahasa dan Sains Kemanusiaan (PBMSK), Profesor Dr. Abdul Jalil Borham dan Pengarah Pejabat Antarabangsa, Prof. Madya Dr. Ainol Haryati Ibrahim.

Daing Nasir berkata, pihaknya amat berbesar hati menerima kunjungan delegasi UTY yang berpeluang melawat kampus UMP di Pekan dan Gambang di sini.

"UMP dan UTY bakal menjalinkan kerjasama akademik melibatkan pertukaran pelajar dan staf, penempatan pelajar siswazah, profesor pelawat, penyelidikan serta pernerbitan," katanya.

Katanya, perbincangan turut melibatkan kerjasama dengan menumpukan empat bidang tumpuan berkaitan program sivil, teknologi industri, mekanikal, sistem komputer dan teknologi maklumat.

Selain itu, katanya, kedua-dua universiti juga turut merancang menganjurkan program Bahasa Mandarin sebagai inisiatif meningkatkan penguasaan bahasa itu dalam kalangan pelajar bagi memenuhi peluang pasaran kerja di peringkat nasional dan antarabangsa.

Sementara itu, Bambang Hardadi berkata, UTY yang mempunyai lebih 7,000 pelajar berhasrat mengembangkan program pendidikan yang inovatif bagi mencapai universiti unggul pada 2021.

Justeru, katanya, kerjasama itu dijangka dapat merealisasikan hasrat UTY memiliki 50 peratus dalam kalangan pensyarahnya mempunyai ijazah kedoktoran.



DAING Nasir Ibrahim (dua dari kanan) berjabat tangan dengan Bambang Hardadi yang berkunjung ke UMP bagi menjalinkan kerjasama dalam bidang akademik dan penyelidikan di Kuantan, baru-baru ini.